

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2013

■ **Canal Göta, Svedia:** Le Canal Göta, “le banda blau de Svedia”, a certe locos es situate considerabilemente plus alte que le rivos e lacos vicin (ecce le laco Ljungsjön). Nam le canal se serpenta al mesme nivello de altitude in le terreno ante toto coperte per foreste de arbores foliose. Tote le aqua in le parte del canal in Östgötland, 92 km, veni del laco Vättern (89 metros supra le nivello del mar). Si le canal deberea passar omne lacos situate in nivellos differente preter le distantia, ancora plus de esclusas que le actual 37 esserea necessari. Bicyclar al longe del canal es un experientia, e on pote mesmo transportar le bicyclo con le nave al canal in un del duo directiones. Le distantia Bergs slussar-Borensberg, 21 km, es recommendate.

Texto e photo: Erik Enfors

Questiones

Que es le Canal Göta, e proque es illo appellate “le banda blau de Svedia”?

Quando le naves naviga sur le canal, le nivello del aqua non es sempre identic. Como solve on iste problema?

Pote tu describer le function de un esclusa?

Qual es un bon maniera de experientiar le canal, si on non directemente va per nave?

Describe le photo: Que vide tu?
